

ÇFARË DUHET TË DIJË ÇDO FËMIJË

Një Seri Mësimesh Bazë të Doktrinës

shkruar nga Roy Harrison

ilustruar nga Didi Greiner

JU LUTEMI VINI RE!

Vizualet për këtë seri mund të blihen në pjesën më të madhe të zyrave të BUF-it dhe në dyqanet në internet. Për një listë të zyrave të BUF-it dhe dyqaneve në internet në Evropë, ju lutemi vizitoni www.teachkids.eu/al dhe kliko mbi “Vendet”.



BUFESH

BASHKËSIA E UNGJILLIZIMIT
TË FËMIJËVE E SHQIPËRISË®

Copyright © 2004 European Child Evangelism Fellowship

Të gjitha të drejtat e rezervuara. Përdorur me leje.

Mund të riprodhohet vetëm për përdorim personal, shërbese, jofitimprurës ose jo-komercial. Vizitoni www.teachkids.eu/al

për më shumë detaje mbi lejen e përdorimit.

BASHKËSIA EVROPIANE E UNGJILLIZIMIT TË FËMIJËVE

PASQYRA E LËNDËS

Mësimi I **Kush është Perëndia?**.....

Mësimi II **Çfarë është mëkati?**

Mësimi III **Kush është Jezus Krishti?**

Mësimi IV **Çfarë bëri Zoti Jezus?**.....

Mësimi V **Çfarë është Bibla?**.....

PARATHËNIE

Këto mësimë u shkruan sepse ne kemi parë se gjithnjë e më shumë fëmijë nuk njohin madje as të vërtetat më themelore të Biblës. Dëshira jonë ka qenë ta bëjmë paraqitjen sa më thjesht, sa më shkurt dhe praktike që të jetë e mundur. Nuk është synuar që ato të përdoren veçmas, por së bashku me mësimë të tjera të Biblës që mund të mbështeten mbi të vërtetat e mësuara këtu.

Kemi parë se këto mësimë përshtaten shumë mirë me serinë e mësimëve me mjete figurative, "Humbur e Gjetur" të botuar nga Shtypi i BUF. Ato përforcojnë të vërtetat që mësohen këtu:

Mësimi I **"Kush është Perëndia?"** me mësimin e Biblës "Noeu dhe Barka".

Mësimi II **"Çfarë është mëkati?"** me mësimin e Biblës "Monedha e humbur".

Mësimi III **"Kush është Jezus Krishti?"** me mësimin e Biblës "Davidi dhe Mefiboshethi".

Mësimi IV **"Çfarë bëri Zoti Jezus?"** me mësimin e Biblës "Konvertimi i Saulit".

Mësimi V **"Çfarë është Bibla?"** me mësimin e Biblës "Onesimi".

Kjo seri mësimësh bazë të doktrinës është veçanërisht e dobishme në Klubet 5-Ditore, ku ju u mësoni fëmijëve që kanë njohuri të pakta ose aspak mbi këto të vërteta themelore. Në këtë rast ato plotësojnë dhënien e serisë së mësimëve të Biblës. Sidoqoftë, ato mund të përdoren gjithashtu në Klubet e Lajmit të Mirë, shkollën e të Dielës, bile edhe nga prindërit të krishterë për të mësuar fëmijët e tyre në shtëpi. Në çdo situatë që të përdoren, është më mirë t'i përmbahemi tekstit në vend të zgjerohemi dhe ta bëjmë të gjatë dhe të ndërlikuar. Ideja është se çdo mësim duhet të jepet afërsisht në 8 minuta. Në se dëshironi, mund t'i bëni figurat më tërheqëse duke ngjyrosur anën jashtë figurave më një shënues: të verdhë përreth Mësimit I, të zi rreth Mësimit II, blu rreth Mësimit III, të kuq rreth Mësimit IV dhe jeshil rreth Mësimit V.

Artisti Didi Greiner, dhe unë ishim shumë të ndërgjegjshëm për pamjaftueshmërinë tonë për të paraqitur këto të vërteta të mëdha ashtu si ato e meritojnë. Sidoqoftë, ne kemi besim se gjatë shërbesës së Shpirtit të Shenjtë, këto të vërteta do jetojnë te ju dhe nëpërmjet jush tek fëmijët. Lutja jonë është se djemtë dhe vajzat mund të ndihmohen nëpërmjet kësaj paraqitjeje të shkurtër për të fituar një njohje individuale për Zotin dhe Shpëtimtarin tonë Jezus Krishtin, dhe të rritemi në Të.

"Dhe se që nga fëmijëria i nje Shkrimet e Shenjta, të cilat mund të të bëjnë të ditur për shpëtimin me anë të besimit që është në Krishtin Jezus" (II Timoteut 3:15).

Roy Harrison, Punonjës në Fushën e BUF Evropiane

Mësimi I

KUSH ËSHTË PERËNDIA?

Referencat e Biblës për mësuesin: Zanafilla 1; Isaia 6; Gjoni 12:41.

TREGONI PIKTURËN I - 1.

Sot do mendojmë për disa minuta rreth pyetjes së rëndësishme, "**Kush është Perëndia?**"

A mund të më tregoni kush është Perëndia?

Njerëzit kanë mendime të ndryshme për Perëndinë. Disa njerëz e duan shumë Perëndinë, ndërsa të tjerët nuk e duan fare Atë dhe përdorin gabimisht emrin e Tij si një fjalë-betimi.

Si mund ta dimë kush është Perëndia? Vetëm nëpërmjet Biblës mund të njohim me të vërtetë Atë. Bibla është Fjala e Perëndisë dhe na tregon kush është Perëndia dhe si është Ai.

TREGONI PIKTURËN I - 2.

Bibla na mëson se Perëndia është **Krijuesi**, (që do të thotë se Ai krijoi çdo gjë dhe secilin prej nesh). Bibla thotë se "*Në fillim, Perëndia krijoi qiejt dhe tokën*" dhe se "*Perëndia krijoi njeriun*" (Zanafilla 1:1, 27).

Me se e bëri Perëndia botën? Me asgjë! Vetëm Perëndia mund ta bënte atë. A keni parë ndonjëherë yjet ose pemët, detin ose kafshët, ose një bebe të vogël dhe e keni pyetur veten: "Nga u krijuan ata?" "Kush i bëri ata?". Përgjigjja është "**Perëndia**".

Po, të gjitha gjërat u krijuan prej Tij. Nganjëherë ne dëgjojmë zhurmën e bubullimës dhe shohim dritën e vetëtimës. Ju dhe unë nuk mund ta bëjmë bubullimën dhe vetëtimën. Ne s'mund të krijojmë gjithashtu as retë dhe shiun. Ne nuk e bëjmë erën të fryjë dhe as e ndalojmë atë. Perëndia bën bubullimën, vetëtimën, erën, shiun, lulet dhe

zogjtë. Kur mendojmë për duart tona, sytë tanë, veshët tanë, mendjet tona - ne shohim se sa mrekullueshëm jemi krijuar. Asnjë njeri nuk mund ta bënte këtë: vetëm Perëndia. Perëndia bëri çdo gjë. Ai është më i fortë dhe më i fuqishëm se sa mund ta përfytyrojë çdokush.

TREGONI PIKTURËN I-3.

Ndoshta ju pyesni veten: "Por kush e krijoi Perëndinë? Kur filloi të ekzistojë Perëndia?" Përgjigjja është: "Perëndia gjithmonë ka qenë atje dhe do të jetë atje". Perëndia është i përjetshëm. Perëndia nuk ka ndonjë fillim apo mbarim. Rrethi në këtë pikturë nuk ka fillim apo mbarim. Kjo na kujton se Perëndia është i përjetshëm, Ai gjithnjë ka ekzistuar dhe do ekzistojë. Edhe më parë kur nuk kishte botë, njerëz, kafshë, Perëndia ishte atje; dhe Perëndia do jetë gjithmonë atje.

E keni të vështirë ta besoni, apo jo? Ju e kuptoni, të gjithë ne lindëm një ditë; ne patëm një fillim. Por Perëndia nuk lindi kurrë dhe Ai kurrë nuk do të vdesë. Edhe nëse ne nuk e kuptojmë, mund ta besojmë këtë sepse Bibla thotë: "*...Madje nga mot dhe përjetë ti je Perëndia*" (Psalmi 90:2).

TREGONI PIKTURËN I-4.

Ne kemi menduar se kush është Perëndia: se Ai bëri çdo gjë dhe se Ai është i përjetshëm. Po a e dini se ka diçka që Perëndia **nuk mund** të bëjë? (*Jepuni fëmijëve kohë të mendohen.*)

Perëndia nuk mund të mëkatojë. Ai nuk mund të gabojë. Ai është i pastër dhe i përsosur. Bibla thotë se Perëndia është i Shenjtë. Isaia ishte një nga lajmëtarët e Perëndisë për të cilin lexuam në Bibël. Një ditë, Perëndia i foli Isaias me anë të një vizioni. Një vizion është diçka si një ëndërr. Në atë vizion, Isaia pa Perëndinë të ulur në fron. Me Të ishin dhe dy engjëj të veçantë; secili prej tyre kishte 6 krahë: me dy krahë ata mbulonin fytyrat e tyre, me dy mbulonin këmbët e tyre dhe dy i përdornin për të fluturuar. Këta engjëj të mrekullueshëm po thërrisnin njëri-tketrin, "*I shenjtë, i shenjtë, i shenjtë, është Zoti i zotërve: e gjithë toka është e mbushur me lavdinë e Tij*". Kur Isaia pa vizionin, ai e kuptoi sa mëkatar dhe i keq ai ishte, sepse vizioni i tregoi se Perëndia është i shenjtë. Perëndia është plotësisht i pastër. Ai e do mirësinë dhe kurrë nuk mëkaton. Perëndia bën gjithmonë atë që është e drejtë. A e keni kuptuar si Isaia se Perëndia është i pastër dhe i përsosur? Kjo pikturë na kujton se Perëndia është e ndarë nga mëkati.

TREGONI PIKTURËN I-5.

Diçka tjetër që Bibla na mëson është se Ai njih çdokënd dhe çdo gjë: Perëndia njih secilin prej emrave tuaj dhe Ai njih çdo gjë për ju. Bibla thotë: "*Sa për ju, madje edhe të gjitha fjetet e flokëve të kokës suaj janë të numëruara*" (Mat.10:30).

Perëndia di çdo gjë që njerëzit bëjnë dhe mendojnë. Ai di çdo gjë që ndodh në botë - deri edhe ngordhjen e një harabeli.

TREGONI PIKTURËN I-6.

Bibla thotë: "*Toka është e mbushur me mirësinë e Zotit*" (Psalmi 33:5). Po, Perëndia është i mirë. Çdo gjë që Ai ka bërë

në botë tregon sa i mirë është Ai. Kur dielli fillon të ndriçojë përmes reve në një ditë të ftohtë, ne themi, "Sa i mirë është dielli". Pa diellin asgjë nuk mund jetojë. Kur dielli bëhet shumë i nxehtë dhe vetë e mbulojnë atë dhe sjellin shi për ta freskuar tokën, ne themi, "Sa i mirë është shiu." Perëndia jep dritën e diellit dhe shiun.

Nëpërmjet mirësisë së Tij ne kemi ushqim për të ngrënë, miq me të cilët luajmë, shtëpi ku të jetojmë dhe shumë gjëra të tjera të mira.

TREGONI PIKTURËN I-7.

Deri tani kemi thënë se Perëndia është Krijuesi:

-Ai është i përjetshëm.

-Ai është i pastër dhe i përsosur.

-Ai njih çdokënd dhe çdo gjë.

-Ai është i mirë.

Dhe prapë Perëndia ynë i mrekullueshëm na do mua dhe juve.

Ç'gjë e habitshme!

Bibla thotë: "*Sepse Perëndia e deshi aq botën, sa dha Birin e tij të vetëmlindurin, që, kushdo që beson në të, të mos humbasë, por të ketë jetën e përjetshme*" (Gjoni 3:16).

Mësimi II

ÇFARË ËSHTË MËKATI?

Referencat në Bibë për mësuesin janë: Lev. 13:45, 46; Isaia 1:6, 18; Luka 5:12-15.

TREGONI PIKTURËN II-1.

Kur Perëndia krijoi botën, Ai e bëri çdo gjë në të të mirë dhe të bukur. Njerëzit e parë ishin kaq të lumtur. Por sot shumë gjëra nuk janë të bukura dhe të mira, dhe njerëzit shpesh nuk janë të lumtur. Ka trishtim dhe sëmundje, vuajtje dhe egoizëm, grindje dhe luftëra. Si është puna? Çfarë ndodhi që e prishi botën e bukur dhe i bëri njerëzit jo të lumtur?

Mëkati erdhi dhe prishi botën e mrekullueshme të Perëndisë. Sot do mendojmë për disa minuta se ç'është mëkati.

TREGONI PIKTURËN II-2.

Mëkati është mosbindja ndaj urdhrave të Perëndisë (I Gjoni 3:4). Perëndia, që krijoi botën dhe njerëzit që jetojnë në të, u tregoi në Bibël mënyrën e drejtë për të jetuar. Ai u dha atyre 10 Urdhra, të cilat i kemi këtu. (*Mësues - mos lexoni listën e 10 Urdhrave e mos i komentoni ato se do t'ju zinte shumë kohë.*)

Perëndia ka thënë: "*Asnjë nuk do ketë tjetër perëndi përveç meje*" - kurse ne kemi zëvendësuar Perëndinë me njerëz dhe gjëra të tjerë. Perëndia ka thënë: "*Nderoni prindërit tuaj*" - por ne nuk u bindemi atyre. Perëndia ka thënë: "*Asnjë nuk duhet të vjedhë*" - ndërsa ne kemi vjedhur. Perëndia ka thënë: "*Asnjë nuk duhet të thotë gënjeshtër*" - kurse ne kemi gënjer.

Bibla thotë se kushdo që e zbaton të gjithë ligjin, por e shkel në një pikë, është fajtor në të gjitha pikat. (Jakobit 2:10). Ne

nuk i jemi bindur Perëndisë, ne kemi mëkatuar.

Një ditë, Zoti Jezus tregoi me pak fjalë se ç'mësojnë veçanërisht urdhrat. Ai tha, "*Duaje Zotin, Perëndinë tënd, me gjithë zemrën tënde, me gjithë shpirtin tënd, me gjithë mendjen tënde e me gjithë forcën tënde*" dhe "*Duaje të afërmin porsi vetveten*" (Marku 12:30, 31). A e kemi dashur gjithnjë Perëndinë dhe të tjerët kështu?

TREGONI PIKTURËN II-3.

Mëkati është të jesh i privuar ose të mos jesh aq i mirë sa të do Perëndia. Bibla thotë: "*Sepse të gjithë mëkatuan dhe u privuan nga lavdia e Perëndisë*" (Romakëve 3:23). Ç'do të thotë kjo? Këtu shohim një hendek të thellë. Le ta quajmë anën ku janë fëmijët, "jetët tona", dhe anën tjetër, "Përsosmëria e Perëndisë". Ne mund të përpiqemi të jemi të pastër dhe të përkryer në gjërat që bëjmë, por përsëri jemi të privuar. Mund të jemi shumë të mirë, të shkojmë në kishë, mund të japim para për të ndihmuar të varfrit dhe të uriturit, por përsëri shkelim ligjet e Perëndisë dhe jemi të privuar nga përsosmëria e Perëndisë.

Një pastor pyeti një herë një vajzë të vogël: "A di si të shkosh në Parajsë?"

"Duke qenë e mirë" - u përgjigj vajza e vogël.

"Sa e mirë duhet të jesh?", i tha Pastori.

"Jashtëzakonisht e mirë", tha vajza.

"A je ti kaq e mirë?", e pyeti Pastori.

"Oh, jo", tha vajza.

"As unë nuk jam shumë i mirë për të shkuar në Parajsë", tha Pastori.

Vajza e vogël hapi sytë. Ajo u befasua. Në se Pastori i saj nuk qe kaq i mirë sa për të shkuar në parajsë, kush do të ishte? Pastori shpjegoi se vetëm nëpërmjet Zotit Jezus mund të faleshin mëkatet e të gjithëve dhe secili të shkonte në Parajsë. Por të gjithë ne u privuam nga të qenit aq të përsosur sa ç'është Perëndia.

TREGONI PIKTURËN II-4.

Ç'ndodh me ne që jemi mëkatarë? Mëkati prish jetët tona prandaj ne nuk kemi gëzimin dhe paqen që duhet të kishim; mëkati lëndon të tjerët; dhe para së gjithash mëkati na ndan nga Zoti. Perëndia është i Shenjtë dhe e urren mëkatin: Perëndia dhe mëkati nuk mund të qëndrojnë kurrë bashkë. Prandaj sa herë që ne mëkatojmë, ne nuk i bindemi Perëndisë dhe kjo është një gjë e rëndë. Mëkati ynë e meriton të ndëshkohet. Mëkati është si një sëmundje e tmerrshme. Ai bëhet gjithnjë e më i keq dhe prish gjithë jetën tonë. Ne nuk mund të mos mëkatojmë, sa do të përpiqemi. Edhe kur nuk duam, ne gabojmë rëndë. Ndërsa rritemi, jeta jonë nuk përmirësohet, por bëhet më e keqe. Me mëkatin në jetën tonë, ne nuk mund të bashkohemi me Perëndinë. Ne jemi të papastër. Në të vërtetë, ne e meritojmë të jemi të ndarë përjetë nga Perëndia.

TREGONI PIKTURËN II-5.

Ne jo vetëm bëjmë mëkate dhe gjëra të këqija, por ne **JEMI** mëkatarë. Kjo ndodh sepse ne kemi lindur në mëkat - lindur me diçka në veten tonë që do të bëjë veprimin e gabuar në vend të veprimit të drejtë. Bibla thotë: "*Zemra gënjejhet më tepër se çdo gjë tjetër dhe sëmuret në mënyrë të pashërueshme*" (Jeremia 17:9). Gjërat e

këqija që bëjmë, vijnë nga brendësia e zemrave tona të këqija. A keni pyetur veten ndonjëherë si mëson një fëmijë i vogël të mos i bindet Nënës dhe Babait të vet, të thotë gënjeshtër, dhe të marrë inat? Ai nuk i mëson këto gjëra kur shkon në shkollë. Mëkati është në zemrën e tij dhe zbulohet gjatë jetës së tij.

TREGONI PIKTURËN II-6.

Ne nuk mund të mos bëjmë të tilla mëkate që na bëjnë me turp para Perëndisë. Ne nuk kemi fuqinë të ndryshojmë veten tonë. Perëndia është i vetmi që mund ta bëjë këtë. Ne grindemi më të tjerët - ndonjëherë ne përpiqemi t'i lëndojmë ata me fjalët që themi, bile edhe me forcën tonë. Ne vjedhim dhe marrim gjëra që nuk na përkasin. Ne gënjejmë dhe përpiqemi të bindim të tjerët që e kemi bërë gjithë punë vetë. Pastaj ka edhe mëkate të tjera si zilia dhe urrejtja, egoizmi dhe mendimet e gabuara, përbetimi dhe fjalët e turpshme. Të gjitha këto gabime janë kundër Zotit. A e dini se kush është mëkati më i madh? Ai është të mos duash Zotin Jezus. Perëndia na deshi kaq shumë sa Ai dërgoi Birin e Tij, Zotin Jezus, për të vdekur për ne. Zoti Jezus vdiq në kryq si mbartës i mëkateve tona. Ai dha jetën e Tij dhe u ndëshkua në vendin tonë. A i keni kërkuar Atij ndonjëherë të jetë Shpëtimtari juaj? A e doni Jezusin aq sa duhet? Mëkati më i rëndë nga të gjithë është të mos ta doni Atë.

TREGONI PIKTURËN II-7.

Ç'duhet të bëjmë pra kur e kuptojmë se jemi mëkatarë? Ne duhet të kthehemi nga mëkati drejt Perëndisë. Ne duhet të duam ta bëjmë këtë. Bibla na tregon se ç'i ndodhi një lebrozi që erdhi te Jezusi. Lebra është një sëmundje e tmerrshme nga e cila njerëzit vdesin shpesh. Jezusi po jepte mësim në një nga qytetet e Galilesë, kur vjen ky njeri dhe u

gjunjësua para Tij. "Zot, po të duash, ti mund të më pastrosh", thirri ai. Zakonisht, ky njeri nuk do lejohej të qëndronte në qytet për shkak të sëmundjes së tij, por ai erdhi te Jezusi se ai e dinte që kishte nevojë të shërohej nga kjo sëmundje e tmerrshme. Si erdhi lebrozi? Ai erdhi ashtu siç ishte, i mbushur me lebër. Ai nuk u përpoq të fshihej sikur nuk ishte lebroz.

Si duhet të vijmë te Jezusi? Ne duhet të shkojmë ashtu siç jemi, duke i treguar Atij se jemi mëkatarë dhe kemi nevojë që të na pastrojë nga mëkatet tona.

Bibla thotë se kur erdhi lebrozi, "Ai zgjati dorën, e preku duke thënë: 'Po, e dua, qofsh i pastruar'. Dhe menjëherë lebra iu zhduk." (Lluka 5:13). Po në atë çast, lebra u shërua plotësisht.

A do vini te Jezusi dhe t'i thoni, "Zot, unë jam një mëkatar; a do më pastrosh?" Zoti Jezus thotë, "Atë që vjen tek unë nuk do ta nxjerr jashtë kurrë" (Gjoni 6:37). Ai nuk do ju kthejë mbrapsht, në se largoheni nga mëkati dhe i kërkonti Atij t'ju shpëtojë. Është me të vërtetë e mrekullueshme të çliroheshi nga mëkati: edhe më e mrekullueshme se të shëroheshi nga lebra.

Në se i kërkonti Zotit Jezus t'ju shpëtojë sot nga mëkati, dhe nuk dini ta bëni këtë, ejani tek unë. Unë do jem duke qëndruar atje (*mësues, caktoni një vend*). Në se ju shoh të vini tek unë, unë do të di se ju doni të shpëtoni sot nga mëkati dhe do t'ju flas e ndihmoj si ta bëni këtë.

Mësimi III

KUSH ËSHTË JEZUS KRISHTI?

Referencat e Biblës për mësuësin: Mateu 17:1-9; Gjoni 1:1-12; Zbulesa 1:9-18.

TREGONI PIKTURËN III-1.

A e dini se kush është Njeriu më i rëndësishëm që ka jetuar ndonjëherë në tokë? Kush është Ai që ndryshon nga të gjithë njerëzit e tjerë? Po, Ai është Jezus Krishti. Kurrë njeri tjetër nuk u lind si Ai, jetoi si Ai, vdiq si Ai apo u ngrit përsëri si Ai. Ja pse është mirë për ne të mendojmë për disa minuta se kush është Ai.

Kur Jezusi ishte mbi tokë, Ai u njoh nga një numër i madh njerëzish, dhe Perëndia mbajti shënim për ç'ka ata panë e dëgjuan për ta ruajtur në një Libër - Biblën. Cilat janë disa nga gjërat që tregon Bibla për Jezus Krishtin?

TREGONI PIKTURËN III-2.

Para së gjithash, ne dimë se Jezusi është Biri i Perëndisë dhe se Ai është Perëndi. Bibla thotë: "*Të gjitha gjërat u bënë me anë të tij*" (Gjoni 1:3) - se Ai është Krijuesi. Bibla thotë: "*Ai është përpara çdo gjëje*" (Kolozianëve 1:17) - Se Ai është i përjetshëm. Ai ka jetuar dhe do jetojë gjithmonë. Ai nuk ka ndonjë fillim apo fund.

Bibla thotë se Ai është i pastër dhe i përsosur (Hebrenjve 7:26).

Bibla thotë se Ai është i gjithëpushtetshëm (Filipianëve 3:21).

Bibla thotë Ai është Emanuel - Perëndia me ne (Mateu 1:23) - se Ai është Perëndi

(Hebrenjve 1:8). Vetë Jezusi tha se Ai është Perëndia (Gjonit 10:30, 33).

Ja pse Jezusi është i ndryshëm nga çdo njeri tjetër.

Një ditë kur Jezusi ishte në tokë, u tregoi lavdinë e Tij tri prej shokëve të Tij më të ngushtë. Jezusi mori Pjetrin, Jakobin dhe Gjonin lart mbi mal. Atje ai u gjunjëzua dhe u lut. Dishepujt u lutën gjithashtu. Paskëtaj diçka e mrekullueshme ndodhi. Fytyra e Jezusit filloi të shkëlqente, e ndritshme si dielli dhe rrobat e Tij filluan të shkëlqejnë gjithashtu. Ai shndriste kaq shumë sa Pjetri, Jakobi dhe Gjoni e shikonin Atë me vështirësi. Ndërsa ata ishin mbi mal, Perëndia Atë foli nga qielli dhe tha: "*Ky është Biri im i dashur, dëgjojeni Atë.*"

Dishepujt kurrë nuk e harruan atë që ndodhi. Shumë vjet më vonë Pjetri shkroi, "*Ne jemi dëshmitarë okularë të madhështisë së Tij*" (II Pjetri 1:16) Pjetri nuk e harronte sa i mrekullueshëm dhe i lavdishëm ishte Jezusi.

TREGONI PIKTURËN III-3.

Sa e habitshme që Biri i Perëndisë u bë njeri. Nëpërmjet një mrekullie Zoti bëri një trup për Jezusin, dhe Ai lindi si një foshnjë e

vogël në Betlehem. Zoti Jezus pati një nënë tamam si një çdo foshnjë tjetër, por Ai nuk pati një baba njeri. Ati i Tij ishte Perëndia. Ç'ndryshim ishte për Jezusin të largohej nga shtëpia e Tij në qiell dhe të zbriste poshtë në tokën tonë mëkatarë. Jezusi la pas gjithë pasuritë dhe lavdinë e Tij dhe u lind në një grazhd. Ai erdhi në tokë të na tregojë si është Perëndia dhe të na çlirojë nga mëkatet tona. Nuk është për t'u habitur pse engjëjt kënduan lavdërimin e tyre natën që Jezusi lindi pas mrekullisë së mahnitshme, sepse Jezusi është Perëndi e vërtetë dhe njeri i vërtetë.

TREGONI PIKTURËN III-4.

Por Jezusi nuk mbeti një fëmijë i vogël. Ai u rrit dhe jetoi një jetë të përsosur. Ç'jetë e mrekullueshme që ajo! Jezusi qetësoi erën dhe detin gjatë një stuhie; Ai ushqeu 5.000 njerëz me 5 çyrekë buke dhe dy peshq; Ai shëroi të sëmurin dhe ngriti të vdekurin; Ai mposhti Satanin, armikun e Perëndisë; Ai kishte fuqinë të falte mëkatet; Ai ishte Mësuesi më i madh - "*Asnjë nuk ka folur kurrë si ai njeri*" (Gjoni 7:46). Meqenëse Ai jetoi mbi tokë si njeri, Zoti Jezus na kupton shumë mirë. Ai di se ç'është tundimi për të gabuar, për t'u urryer, për të qenë i varfër dhe i uritur dhe për t'u përqeshur ose rrahur nga njerëz të ligj. Gjatë gjithë jetës së Tij, Jezusi kurrë nuk mëkatoi, asnjëherë nuk mendoi, nuk tha dhe nuk bëri ndonjë mëkat. Ai është i vetmi që i është bindur përsosmërisht urdhërimeve të Perëndisë. Jezusi jetoi një jetë të përsosur.

TREGONI PIKTURËN III-5.

Por Jezusi u bë në mënyrë të veçantë Shpëtimtari ynë - për të na çliuar të gjithëve nga mëkatet dhe ligësitë e jetës sonë.

Nuk kishte tjetër më të mirë

për të paguar çmimin e mëkatit
Ai çeli portën e paraajsës,
dhe na la të hyjmë në të.

Qindra vjet para ardhjes së Jezusit, Perëndia u thoshte njerëzve të sillnin një qengj dhe ta dhuronin atë për mëkatet e tyre. Pse? Sepse Bibla thotë se pa u derdhur gjak nuk ka falje për mëkatet (Hebrenjve 9:22) - gjak-jete duhej dhuruar. Kur një qengj ngordhte për mëkatet e një njeriu ishte me të vërtetë një përkrim se si një ditë Zoti Jezus do vdiste për mëkatet tona. Gjaku i atyre kafshëve nuk mund të largonte mëkatet tona. Në Bibël Jezusi është quajtur Qengj i Perëndisë. Perëndia mori mëkatet tona dhe i mbarti mbi Birin e Tij. Jezusi pagoi për mëkatet dhe ligësitë tona me gjakun e Tij. Por Jezusi u ngrit prej së vdekuri. Ai është një Shpëtimtar i gjallë dhe Ai është i vetmi Shpëtimtar - i Vetmi që është në gjendje të na çlirojë nga mëkatet tona.

TREGONI PIKTURËN III-6.

Zoti Jezus është Mbretër i mbretërve. Ne pamë si Jezusi u bë njeri dhe jetoi në tokë; Jezusi vdiq mbi kryq për të shlyer mëkatet tona. Por Perëndia e ngriti Atë prej së vdekuri për të jetuar në përjetësi. Ai tani është Zot i të gjithëve. Ai është sunduesi i gjithësisë. Shkruesi i librit të fundit të Biblës, një njeri i quajtur Gjon, na tregon si iu shfaq Zoti Jezus:

Dhe sytë e Tij e ngjanin një flake zjarri.

Dhe këmbët e tij ngjanin me bronz të kulluar, si të skuqur në furrë.

Dhe zëri i tij si zë shumë ujërash.

Fytyra e tij si dielli që ndrin me forcën e tij.

Kur Gjoni pa Jezusin e gjithëfuqishëm dhe të lartësuar, ai ra para këmbëve të Tij si i vdekur. Ky që Zoti Jezus

ashtu siç është sot - Mbret i mbretërve dhe Zot i zotërve.

TREGONI PIKTURËN III-7.

Bibla thotë: "*Beso në Zotin Jezus Krisht dhe do të shpëtosh*" (*Veprat e Apostujve 16:31*). Ç'do të thotë të besosh te Jezus Krishti?

Më lejoni të përdor imazhin e një ore të prishur. Kujt ja çoni një orë të prishur? Bukëpjekësit apo kasapit? Jo! Ju e çoni te orëndreqësi. Ç'bëni kur shkoni te ai? E mbani atë në dorë dhe i kërkoni atij ta ndreqë? Jo! Ju merrni orën, ia dorëzoni dhe i kërkoni ta rregullojë. Jeta jonë është e prishur prej mëkatit. Kush është i vetmi Njeri që mund ta ndreqë atë? Jo unë, as ju vetë: Zoti Jezus, Biri i Perëndisë, është i vetmi Njeri që mund të ndreqë jetën tonë? Ç'bëjmë kur vijnë te Jezusi? I kërkojmë Atij të na shpëtojë dhe të mbikëqyrë tërësisht jetën tonë. Me fjalë të tjera, ne i dorëzojmë dhe i besojmë Atij ndreqjen e jetës sonë. Kur i besojmë Zotit Jezus në këtë mënyrë, mëkatet tona janë të falura; Perëndia na bën bijtë e Vet; Ai na kupton me mirësinë e Zotit Jezus; Ai na jep jetë të re; Ai vjen të jetojë te ne nëpërmjet Shpirtit të Tij të Shenjtë.

A doni t'i kërkoni Zotit Jezus t'ju shpëtojë?

Bibla thotë, "*Beso te Jezus Krishti dhe do shpëtosh*".

MËSIMI IV

ÇFARË BËRI ZOTI JEZUS?

Referencat në Bibël për mësuesin: Gjoni 19,20; Veprat e Apostujve 1:8-11.

TREGONI PIKTURËN IV-1.

Ka një histori me një pulë që kishte 10 zogj nën krahët e saj. Papritur bari i thatë mori zjarr dhe shpejt i gjithë vendi po flakëronte. Një ditë më vonë bujku erdhi dhe gjeti në kopsht trupin e pulës së ngordhur. Kur e shtyu atë mënjanë me ngadalë, prej krahëve të saj dolën 10 zogjtë. Pula kishte ngordhur, por zogjtë e saj kishin shpëtuar. Pula mund të kishte fluturuar dhe të kishte shpëtuar veten e saj, por ajo qëndroi në fole dhe dha jetën e saj që zogjtë e saj të mos digjeshin.

Kjo na kujton se ç'bëri Zoti Jezus për ne. Ai vdiq që të na shpëtonte nga mëkatet, që ne të mos ndëshkoheshim.

TREGONI PIKTURËN IV-2.

Bibla thotë: "Krishti vdiq për mëkatet tona" (I Kor. 15:3). Për Pashkë ne kujtojmë vdekjen dhe ringjalljen e Krishtit. A e mbani mend ç'ndodhi? Zotin Jezus e morën, e kamzhikuan dhe e rrahën megjithëse armiqtë e Tij nuk gjetën ndonjë gabim që Ai mund të kishte bërë. Ushtarët e çuan Atë në një kodër jashtë qytetit të Jeruzalemit. Mbi atë kodër Jezusi u gozhdua mbi kryq me gozhdë nëpër duart dhe këmbët e Tij. Për 6 orë Jezusi qëndroi i varur mbi atë kryq - nga ora 9 e mëngjesit deri në orën 3 të pasdites. Në mesditë qielli u errësua plotësisht. Pse? Sepse Perëndia po ia ngarkonte Jezusit të gjitha

mëkatet tona, ashtu siç premtoi ta bënte këtë në Librin e Tij, Biblën.

Dhe kjo ndodhi ndërsa Perëndia vuri mbi një dorë të gjitha mëkatet e atyre që besonin Zotin para se të vinte Jezusi dhe në dorën tjetër, mëkatet e atyre që do besonin më vonë tek Ai, dhe duke i vënë këto duar së toku mbi kryet e Zotit Jezus që ishte duke vdekur, Ai i ngarkoi Atij të gjitha mëkatet dhe ligësitë tona.

Zoti Jezus vdiq në vendin tonë mbi kryq për të paguar për ndëshkimin tonë. Bibla thotë: "Gjaku i Jezus Krishtit, Birit të Tij, na pastroi nga të gjitha mëkatet" (I Gjonit 1:7). Në fund Jezusi thirri, "U krye!" (Gjoni 19:30) dhe "Atë, në duart e tua po e dorëzoi frymën time" (Lluka 23:46). Pastaj ai vdiq. Asnjëri nuk ia mori jetën. Ai mund të zbriste nga ai kryq po të donte. Por Ai hoqi dorë nga jeta për të na shpëtuar ne.

TREGONI PIKTURËN IV-3.

Trupin e Zotit Jezus e morën dhe e vendosën në një varr - një gropë e gërmuar në anë të një shkëmbi të madh. Një gur i stërmadh u vu përballë hyrjes. Por Jezusi nuk qëndroi në varr. Ai nuk kishte vdekur. Perëndia e ngriti Atë prej të vdekuri për të jetuar në përjetësi. Ç'mrekulli e mahnitshme

qe! Jezusi u ngrit dhe pas ringjalljes së Tij, Ai iu shfaq dishepujve të Tij shumë herë të tjera (duke përfshirë edhe 500 njerëz në një kohë). Ata e panë, e prekën, biseduan dhe hëngrën me Të.

Sepse Jezusi u ngrit prej së vdekuri, ne e dimë se Ai është me të vërtetë Biri i Perëndisë, dhe gjithçka Ai tha, është e vërtetë. Sepse Jezusi u ngrit prej së vdekuri, ne dimë se çmimi i mëkateve tona është paguar plotësisht. Jezusi me trupin e Tij të ringjallur e të mrekullueshëm është tani në Qiell.

TREGONI PIKTURËN IV-4.

Dyzet ditë pasi Zoti Jezus u ngrit prej së vdekurit, ndërsa po fliste me dishepujt e Tij, Ai papritmas filloi të ngjitej në qiell. Ai u ngjijt lart e më lart derisa një re e mbuloi dhe ata nuk mund ta shihnin më. Zoti Jezus e la këtë botë. Ai u kthye në Qiell, për të ndenjtur me Atin e Tij. Jezusi me trupin e Tij të ringjallur e të mrekullueshëm është tani në Qiell.

TREGONI PIKTURËN IV-5.

Kur Jezusi u kthye në qiell, Perëndia Atë i dha vendin më të nderuar. Jezusi është Mbret i mbretërve; Ai është Zot i të gjithëve. Ai është i gjallë në përjetësi. Ai kupton gjithçka rreth nesh dhe i lutet Perëndisë Atë për ne që e njohim dhe e duam Atë. Sepse Jezusi është përherë i gjallë, Ai është në gjendje të na ndihmojë në çdo nevojë (Heb. 2:18; 4:15,16; 7:25).

TREGONI PIKTURËN IV-6.

Njerëzit gjithmonë duan të dinë se ç'është ndodhë në të ardhmen. A e dini gjënë më të rëndësishme që do ndodhë në të

ardhmen? Jezusi do të vijë përsëri mbi tokë, jo si një fëmijë i vogël por me plot fuqi dhe shkëlqim. Ne nuk e dimë kur do të vijë Ai - ndoshta edhe sot. Por Ai premtoi: "*Do të kthehem dhe do t'ju marr pranë meje, që aty ku jam unë, të jeni edhe ju.*" (Gjoni 14:3). Jezusi do vijë përsëri, para së gjithash të çojë në Qiell ata që i përkasin Atij. Por Ai do vijë gjithashtu të gjykojë ata që nuk e kanë pranuar Atë si Shpëtimtarin e tyre, dhe të mbretërojë si Mbret.

TREGONI PIKTURËN IV-7.

A jeni gati sikur Zoti Jezus të vinte sot? A do të shkonit me Të përjetësisht në qiell meqenëse i përkisni Atij; apo Ai do t'ju thotë juve një ditë, "*Unë s'ju kam njohur kurrë; largohuni nga unë, ju të gjithë, që keni bërë paudhësi*" (Mat. 7:23).

Si mund të jemi të gatshëm të takojmë Zotin Jezus? Ne duhet të besojmë se Jezusi është Biri i Perëndisë dhe se Ai mori ndëshkimin për mëkatet tona mbi kryq. Ne duhet të ndërrojmë rrugë dhe t'i besojmë Atij për të na shpëtuar nga mëkatet tona dhe për të na ruajtur. Nuk mjafton të besosh se Jezusi lindi në Betlehem, se Ai jetoi një jetë të përsosur, se Ai vdiq në Kalvar, se Ai u ngrit përsëri dhe u kthye në qiell. Ju nuk keni besuar me të vërtetë në të nëse nuk i keni besuar më parë Atij që t'ju shpëtojë nga mëkatet. Në se doni që Zoti Jezus t'ju shpëtojë, ju mund t'i thoni Atij, "I dashur Zoti Jezus, unë jam mëkatar. Të falenderoj që vdiqe për mua mbi kryq. Unë të kërkoj tani të më shpëtosh nga mëkatet e mia."

Bibla thotë: "*Kushdo që do ta thërrasë emrin e Zotit do të shpëtohet*" (Romakëve 10:13).

Mësimi V

ÇFARË ËSHTË BIBLA?

Referencat e Biblës për mësuesin: II Timoteut 3:14-17; II Pjetrit 1:19-21.

TREGONI PIKTURËN V-1.

Në se Nëna dhe Babai juaj do ishin në një tokë larg në det, ato nuk do ishin në gjendje të flisnin me ju çdo ditë. Ju nuk do mund t'i shihnit ata. Por ka një mënyrë që ju t'i dëgjoni ata dhe të gjeni se ç'duan ata që të dini ju. Ata mund t'ju shkruajnë letra. Perëndia donte të fliste me ne. Por Perëndia nuk mund të na linte ta shihnim Atë, duke qenë se Ai është Frymë (*Gjoni 4:24*), dhe lavdia e Tij është kaq e madhe sa ne do verboheshim prej saj. Por Perëndia ka një mënyrë si mund të flasë me ne. Ai ka dërguar ashtu siç qe një letër të gjatë që ne ta lexojmë, me qëllim që ne të dimë se çfarë kërkon Ai prej nesh të mësojmë dhe të bëjmë. "Letra" e Tij është Bibla. Po, Bibla është letra e Zotit Për ne. (*Mësues, tregoni një Bibël që ta shohin fëmijët.*)

TREGONI PIKTURËN V-2.

Perëndia nuk shkroi letrën me stilolaps siç do bënim ne. Përkundrazi, Ai zgjodhi, në kohë të ndryshme, rreth 40 burra që e deshën Atë; dhe i udhëhoqi ata të shkruanin librat e Biblës (*II Pjetrit 1:21*). Pjesa e parë e Biblës u shkrua rreth 3400 vjet përpara, ndërsa pjesa e fundit rreth 1500 vjet më vonë. Kjo ndodhi shumë kohë përpara. Perëndia udhëhoqi gjithçka që u shkrua; Ai udhëhoqi madje çdo fjalë që u shkrua (*II Timoteut 3:16*). Perëndia u kujdes gjithashtu që ajo që u shkrua të mos humbte, dhe u

shtyp më në fund në Biblat tona. Bibla është me të vërtetë Fjala e Perëndisë.

Po, Bibla është Fjala e Perëndisë. Në se Perëndia do na fliste sot me zërin e një bubullime nga qiejt, nuk do kishte më shumë forcë se ajo që Ai na ka thënë në këtë Libër. Bibla - çdo pjesë e saj - është Fjala e Perëndisë. Ja pse është i ndryshëm nga librat e tjerë në botë.

TREGONI PIKTURËN V-3.

A mendoni se njerëzit që shkruan Biblën bënë gabime kur e shkruan Atë? Jo, Perëndia i ruajti ata nga gabimet. E gjithë Bibla është absolutisht e vërtetë. Si e dimë që ajo është e vërtetë?

Një arsye është sepse Jezusi e tha këtë, dhe çdo gjë që Ai thotë është e vërtetë. Për shembull Ai tha: "*Ajo fjalë është e vërteta*" (*Gjoni 17:17*). Fjala e Perëndisë, Bibla, është e vërteta.

Një arsye tjetër është se Bibla tregonte për gjëra që do ndodhnin në të ardhmen, dhe këto gjëra ndodhën me të vërtetë. Për shembull, qindra vjet më parë Zoti Jezus të vinte mbi tokë, mbi 30 gjëra të veçanta që do t'i ndodhnin Atij ishin të shkruara në Bibël. Të gjitha këto gjëra ndodhën **tamam** ashtu si tregonte Bibla.

Një mënyrë tjetër që ne njohim si Bibla është e vërtetë, është sepse ajo na tregon si mund të falen mëkatet tona dhe të ndryshohet jeta jonë, kur ne i kërkojmë Zotit Jezus të jetë Shpëtimtari ynë. Sa herë që secili kthehet drejt Jezusit dhe i beson Atij me të

vërtetë t'i falë mëkatet e tij, jeta e atij njeriu ndryshon shumë. Kjo është një provë tjetër që Bibla është e vërtetë.

TREGONI PIKTURËN V-4.

A ju ka premtuar ndonjëherë një njeri dhe nuk e ka mbajtur premtimin e vet? Ndonjëherë njerëzit thonë gjëra të pavërteta. Por, Fjala e Perëndisë, Bibla është e ndryshme. Fjala e Perëndisë kurrë nuk ndryshon - është e përjetshme. Edhe në se dikush tjetër ju zhgënjën mos harroni se Jezusi tha: *"Qielli dhe toka do kalojnë, por fjalët e mia nuk do kalojnë"* (Mateu 24:35).

Fjala e Perëndisë është e përjetshme. Njerëzit janë përpjekur të ndalojnë shtypjen e Biblës; ata janë përpjekur bile ta djegin atë. Rreth 100 vjet më parë, një njeri (Volteri) tha: "Pas 100 vjetësh asnjë nuk do ta lexojë më Biblën". Por sot, Bibla lexohet ende nga më shumë njerëz dhe shtypet në më shumë gjuhë se çdo libër tjetër. Njerëzit e duan akoma Biblën sot, sepse ajo është Fjala e Perëndisë dhe ju mund të mbështeteni te ajo plotësisht, sepse është e përjetshme.

TREGONI PIKTURËN V-5.

Bibla është e plotë - është e përfunduar. Perëndia ka paralajmëruar çdokënd që i shton apo i heq asaj ndonjë gjë tjetër (Zbul. 22:18,19). Në këtë Libër të vetëm, Biblën, ka 66 libra. Secili prej tyre ka një emër të ndryshëm. Perëndia i vuri shkruarit e këtyre librave të shkruanin **gjithçka** që Ai kërkonte që ne të njihnim. Bibla na tregon për *"besimin e transmetuar shenjtorëve një herë e përgjithmonë"* (Judeut 3). Perëndia na ka treguar një herë e përgjithmonë se ç'duhet të besojmë dhe ç'duhet të bëjmë. Bibla është e **vetmja** letër e Perëndisë për ne. Njerëz të tjerë mund të shkruajnë dhe të thonë gjëra të

mrekullueshme, por ato gjëra nuk janë si "letra" e Tij.

TREGONI PIKTURËN V-6.

Ky libër i mrekullueshëm, Bibla, është në gjendje të ndryshojë jetët. Është një Fjalë e fuqishme që zbulon mëkatet tona, na sjell një jetë të re në Krisht dhe na bën të fortë si i krishterë. Bibla është me të vërtetë *"fuqia e Perëndisë për shpëtimin"* (Romakëve 1;16).

Qëllimi kryesor i Biblës është të na udhëheqë për të vënë besimin tonë te Zoti Jezus Krisht dhe të jetojmë për Të (Gjoni 20:31). Bibla na tregon historinë e një djali të vogël të quajtur Timote nëna dhe gjyshja e të cilit i lexonin Biblën kur ishte fëmijë. Më vonë Timoteu ia besoi veten e tij Jezus Krishtit, dhe Zoti Jezus e shpëtoi atë nga mëkatet e tij. Më vonë ai u bë misionar dhe shkoi në shumë vende të tjera për t'u mësuar njerëzve për Jezus Krishtin. Jeta e Timoteut u bë një shembull për shumë të tjerë se ç'mund të bëjë Perëndia. A doni që Perëndia të ndryshojë jetën tuaj? Atëherë bëni atë që kanë bërë Timoteu e shumë të tjerë dhe unë vetë: të besoni Biblën, të ktheheni nga mëkati dhe t'i kërkonti Zotit Jezus të vijë në zemrën dhe jetën tuaj. Bibla thotë: *"Prandaj edhe mund të shpëtojë plotësisht ata që me anë të tij i afrohen Perëndisë"* (Heb. 7:25). Në se doni të më flisni më tepër si të bëni këtë gjë, atëherë ju lutem më prisni pas takimit. Ejani tek unë dhe më thoni, "Unë do desha të dija më shumë se si t'i kërkoj Jezusit të hyjë në zemrën dhe jetën time".

TREGONI PIKTURËN V-7.

Ç'duhet të bëjmë pra me Biblën? Ne duhet ta lexojmë atë, ose të dëgjojmë të tjerët që na e lexojnë. Si do të ndjeheshit po t'i shkruanit një letër dikujt që nuk e mori

mundimin ta lexonte atë? Perëndia na do që ta lexojmë shpesh Biblën - çdo ditë, po të jetë e mundur.

Ne duhet ta besojmë Biblën. Ne jo gjithmonë e kuptojmë çdo gjë që është shkruar në Bibël, por megjithatë ne duhet të marrim Perëndinë dhe Fjalën e Tij. Ndonjëri mund të dyshojë për Biblën dhe le të dyshojë; por ne duhet të ngulitim në mendjet tona që Bibla është Fjala e Perëndisë. Armiqtë e Perëndisë duan në mënyrë të veçantë që ne të dyshojmë për atë që tregon Bibla.

Ne duhet t'i lexojmë me zemër vargjet e Biblës. Ne nuk mund ta mbajmë me vete Biblën kudo që shkojmë, por në se mësojmë disa prej vargjeve, mund të mbajmë Fjalën e Perëndia në zemrën tonë. Perëndia kërkon prej nesh ta bëjmë këtë.

Ne duhet t'i bindemi Biblës. Kur lexoni Biblën apo kur jua mësojnë Atë, bëni pikë për pikë atë që ju thotë ajo. Kjo është mënyra për të qenë me të vërtetë të lumtur duke bërë atë që thotë Perëndia.

Unë shpresoj të jeni në gjendje që të thoni me të vërtetë,

*"Oh sa e dua ligjin -
Oh sa e dua Biblën."*